





# LAI SIANGTHO MAPANNA




“Banghang hiam cihleh Pasion thu in nungta in vanglian a, langnih a hiam namsau khatpeuh sangin a hiamzaw hi. Lungsim le kha, guh le tang le guhngekte dong paillet in khen tel a, lungsim ngaihsutna le tupna ngimnate zong a thei'tel hi.” (Hebrews 4:12, zsv)

Lai Siangtho pen leitung ah kizuak tam pen laibu ahi a, a nihna a om laibu sangin a kizuakna zah nga in tamzaw hi. Ahi zongin hih pen hun khempeuh ah hih bang hi denlo hi. Hun khat lai-in Lai Siangtho neihna, simna, ahih keileh tua thu genna nangawn hangin thong kiatna, bawlsiatna, le thahna nangawn kiphukha thei hi.



Pasian' kicing taka a huutna om keileh, Lai Siangtho pen sawtpi pek in mangthang khin ding hi. Bang hang hiam? Hih laibu ah bang thupi lua om hiam, mi tampi in a it mah mah le a huat mahmah uh hihsak hiam?




- Lai Siangtho' gal
- Lai Siangtho simdan a dik le a diklo lampite
- Lai Siangtho pen bang hiam?
- Lai Siangtho simna pan a piang phattuamnate
- Lai Siangtho lawmte

# LAI SIANGTHO' GAL

**"Siklukhu khuk bangin hotkhatna nei unla, Kha Siangtho in a hongpiak Pasion' thu pen namsau zat bangin na zang un." (Ephesians 6:17)**

**Pasion' kammal in a hih theih thute ngaihsun dih in: piansakna le nuntak piakna (Late 33:6), ahihkeileh misite thawhkikna (John 5:28-29).**

**Lai Siangtho, Pasion' kammal kigelh in bang hih thei hiam? Tua in eite hong dal nading thahatna nei a (Eph. 6:17b) leh ei hong kheltheihna hatna nei hi (Heb. 4:12). Zeisu in khemna panin amah le amah kidal nadingin Lai Siangtho zang hi (Matt 4:4, 7, 10).**



**Satan in Lai Siangtho vangliatna kheng-in vangliatna a neih lohlam a thei hi. Tua ahih manin, amah in taksa tawh susia dingin hanciam hi. Lai Siangtho kipawlnate in a tul a simin hawm khia pah uh a, amah in a zo kei hi. Tua ciangin amah in a sangzaw thusitna zangin thumanlohna lak sawm hi. Tu-in thudang tuamtuum tawh i hun la-in tua i sim loh nading hanciam hi.**



**Amah hih bangin khah ding ka hiam? Ka hungeelna sungah Lai Siangtho sim nading hun ka ngah zo kei ding maw? Tua simna in eite hong khel a, i gal lianpen dawi mangpa dodingin thahatna hong pia hi.**

# LAI SIANGTHO SIM DAN **A DIK** LE **A DIKLO**

"Pasian' thuman a mantakin hilhin, na nasepna-ah maizumna thuakloin, Pasian' pahtakna na ngahtheihna dingin na siam tawpin hanciam in." (2 Timothy 2:15)



## A diklo dante

I muhna tawh a kituak khatpeuh zong in

Tupna bangmah om lo-in, laite mawk telna


I deihna lamte tel in, i deih lohna lamte nial ni

## A dik dante

Pasian' deihna theih nading hanciam in

A kicianin kisinna bawl in

Lai khat zong nial kei inla, a vek in sittel in



I Lai Siangtho sinna pen ngaihsutna tawh kisin ding hi-a, ahi zongin Lai Siangtho thupuak dik takin i theih nadingin i ngaihsutna pen Kha Siangtho vangliatna nuai-ah i kipiak ding ahi hi.

Banghang hiam? Banghang hiam cihleh i ngaihsutna pen kicinglo a, hun khempeuh ah muanhuai denlo hi. Tua manin, Lai Siangtho i sin ciangin a Gelhpa' pilna i zon ding kizam hi.





# LAI SIANGTHO PEN BANG HIAM?

I khawtang nuntakna sungah, Khristian pawlpi sungte nangawn ah, thutak pen dinmun zui-in kilaih thei hi, hun khempeuh ah a kikhel ngeilo thutak om lo hi, kici-in upna khat om hi.

Ahi zongin, Lai Siangtho—Pasian' kammal ahihna tawh—**thuman thutak** nei hi ci-in kigen hi (Late 119:160; John 17:17; James 1:18). Ama pen **siangtho** hi ci-in kigen a, mihingte' khemna panin **dalna lum** ahi hi (Paunak 30:5). Tua sungah eima thutak khatpeuh i behlap leh, Pasian mai-ah zuaugen mite i kici thei hi (Paunak 30:6).

Thugen khempeuh, thuman khempeuh, Lai Siangtho tawh sitcian' kul hi. Eite'n thuman i sak thute le Lai Siangtho in a gen thute a kikalh ciangin, thupiang thei nih a om hi: eite' khialhna ahihkeileh Lai Siangtho pen a diklo in telkhehna hithei hi.

**"Na thubulpi thumanna hi-a, a man mahmah, nangmah biakna ngeina kipte khempeuh a tawntungin kip paisuak hi."**  
(Late 119:160 ziv)



# LAI SIANGTHO SIMNA PAN A PIANG PHATTUAMNATE

"Nangma tungah kong khialh lohna dingin ka lungsim sungah nangma thu ka khol hi." (Late 119:11)

Lai Siangtho a langpan mahmah mite nangawn in a nial zawh loh uh thukhat in, mite a khelthei a thahatna ahi hi. Paul in tua pen thahatna lianpi a nei namsau khat tawh teh hi.



Tua in ei le ei i  
hihna taktak  
bangin i kimu  
sak hi  
(Heb. 4:12)

Tua in mawhna  
panin eite hong  
dal hi  
(Late 119:11)

I kha ading an  
ahi hi  
(Jer. 15:16)

Tua in kha lam  
ah hong  
khangto sak hi  
(1 Peter 2:2)


Amah in  
nuntakna  
hongpia hi  
(John 6:63)

Lai Siangtho bangin eite tungah thupitna a pia zo laibu dang a om kei hi. Ama thuhilhnate i nuntakna ah i zuih ding i khensat ciangin, i nuntakna a hoih lamah a kilep hi.

Lungsim kihong tawh sim-in, Kha Siangtho' vaksakna Pasion kiangah i nget ciangin, i nuntakna kikhel hi.



"Note kiangah Pasion' thu ka hong gen uh ciangin no thu um mite sungah ama thu tawh kisai-in Pasion in na hong sem ahih manin kote' thugente pen Pasion' thu taktak ahih mah bangin kote' thugenna na zak uh ciangin mihing' thu bangin ngaihsun loin Pasion' thu taktak mahin hong sang na hih manun, hih thu hangin zong Pasion' tungah ka lungdamna uh ka ko uh hi." (1 Thessalonika 2:13)



Lai Siangtho it'te in Pasion' Kammal nung ahihna phawk gige-in a naih uh hi. (1 Thessalonika 2:13). Ahih hangin tua upna bangci-in ka ngah thei ding hiam?  
Paul in hih nadingin kha lam khentat theihna, tua in kha lam thute teltheihna i kisapna thu hong gen hi. (1 Corinth 2:14). Tua ahih manin, Lai Siangtho sunga Pasion' thupuak khenteltheihna pen i sungah Kha Siangtho nasepna ahi hi.

# LAI SIANGTHO LAWMTE

Hih bangin Lai Siangtho i san ciangin ...

Tua in Pasion tawh i kizopna dinmun hong lak hi

Tua in tua kizopna bangci khauhsak ding hiam cih eite hong hilh hi

Eite in damdam in kikhelna khat i nei to hi

Zeisu kiangah i naih hi

Hih in hotkhiatna ding pilna hong pia hi

Thuman theihna sungah i khangto semsem hi

I upna khangto-in thahat semsem hi

I lametna nei hi

Ahoih zaw, a tawntung, a nuam mahmah nuntakna in ngak hi cih i thei hi

**“Lai Siangtho in thuman pen olno tak le mihing lungtang' kispna le deihnate tawh kituak kician takin phuankhia a, tua in pilna sang mah mah nei mite lamdang sakna le lunggulhna pia a, tua mah hun ah mi niamte le pilna neilote nangawn in hotkhiatna lampi a muh theih nading huh hi. Ahizongin hih thuman olno-a kigen kuate in, thute sang mahmah, thuk mahmah, le mihingte' theihna tawh kiteltheilo khop-in thuk mahmah ahih manin, Pasion in a gen khit ciangin bek i sang thei hi. [...] Lai Siangtho a kan semsem le, nungta Pasion' kammal ahihna a upna a thuk semsem a, mihingte' ngaihsutna in Pasion' kilatna thupitna mai-ah kun hi.”**

**EGW (Steps to Christ, p. 107)**